

JUMAAT • 27.07.2018

ekonomi@utusan.com.my

UTUSANBIZ

Unit Berita Ekonomi

44, Jalan Utusan,
Melalui Jalan Chan Sow Lin,
55200, Kuala Lumpur.
E-mel: ekonomi@utusan.com.my
Twitter: @utusanbiz
Laman web: www.utusan.com.my



Tidak perlu semua CEO undur

Oleh ZUNAIDAH ZAINON

ekonomi@utusan.com.my

■ KUALA LUMPUR 26 JULAI

KETUA-KETUA Pegawai Eksekutif (CEO) di bawah syarikat-syarikat pegangan Khazanah Nasional Berhad (Khazanah) tidak perlu tergesa-gesa meletak jawatan hanya disebabkan kesemua ahli lembaga pengarah institusi pelaburan strategik itu meletakkan jawatan.

Pensyarah Kanan Putra Business School, Dr. Ahmed Razman Abdul Latiff berkata, ini kerana kesemua CEO itu dilantik berdasarkan kelayakan profesionalisme dan pengalaman masing-masing yang secara dasarnya tidak terlibat dalam mana-mana agenda politik.

Katanya, jika kerajaan mahu merombak pentadbiran sebuah organisasi, tumpuan harus diberikan kepada ahli lembaga pengarah dan bukannya terhadap lantikan profesional seperti CEO memandangkan lantikan politik biasanya diletakkan di peringkat lembaga pengarah syarikat milik kerajaan (GLC) bagi memudahkan sebarang arahan dikeluarkan dari pada kerajaan.



AHMED RAZMAN ABDUL LATIFF

"Dalam konteks Khazanah ini, Tan Sri Azman Mokhtar sendiri memegang jawatan sebagai Pengarah Urusan ketika zaman Tun Abdullah Ahmad Badawi menjadi Perdana Menteri tetapi apabila Datuk Seri Najib Tun Razak mengambil alih jawatan, beliau tidak menukar siapa peneraju Khazanah."

"Malah, kita juga tahu ahli lembaga pengarah Khazanah juga terdiri daripada mereka yang mempunyai pengalaman dan pengetahuan dalam bidang masing-masing. Dengan membentarkan kesemua mereka meletakkan jawatan serentak akan menyebabkan tiada kesinambungan dalam pelaburan Khazanah pada masa hadapan."



M. MANOKARAN

kepada dasar-dasar dan hala tuju pelaburan Khazanah pada masa hadapan," katanya kepada *Utusan Malaysia* di sini hari ini.

Hari ini, Khazanah mengesahkan semua sembilan ahli lembaga pengarah termasuk Azman meletakkan jawatan bagi memudahkan cara peralihan yang lancar dan teratur oleh kerajaan baharu. Turut berada dalam senarai tersebut termasuklah Datuk Seri Nazir Abdul Razak, yang juga Pengurus CIMB Group.

Portfolio pelaburan Khazanah sangat meluas merangkumi sektor pendidikan, tenaga, kesihatan, pelancongan, infrastruktur dan pembinaan, kreatif, inovasi



Dengan membentarkan kesemua mereka meletakkan jawatan serentak akan menyebabkan tiada kesinambungan kepada dasar-dasar dan hala tuju pelaburan Khazanah pada masa hadapan."

AHMED RAZMAN ABDUL LATIFF
Pensyarah Kanan Putra
Business School

dan teknologi, agromakanan dan pengangkutan serta logistik.

Ketika Bursa Malaysia ditutup 5 petang ini, saham syarikat-syarikat berkaitan Khazanah ditutup bercampur-campur yang menyaksikan Axiata Berhad susut 17 sen kepada RM4.27, Malaysia Airport Holdings Berhad (MAHB) susut tujuh sen kepada RM9.030 dan Telekom Malaysia Berhad susut dua sen kepada RM3.85.

Bagi Tenaga Nasional Berhad pula, meningkat 22 sen kepada

RM15.10, IHH Healthcare Bhd. meningkat tiga sen kepada RM6 dan Astro Malaysia Holdings Bhd. kekal tidak berubah pada RM1.81.

Menurut beberapa penganalisis ekonomi, Tan Sri Nor Mohamed Yakcop yang merupakan Timbalan Pengerusi Khazanah sebelum meletakkan jawatan tersebut pada 30 September 2017 akan kembali menerajui ahli lembaga pengarah tersebut sekiranya pelantikan baharu dibuat.

Sementara itu, Ketua Pengalisis Ekonomi Alliance Bank, M. Manokaran berkata, keputusan sembilan ahli lembaga pengarah Khazanah itu meletakkan jawatan akan menimbulkan 'kejutan sementara' kerana belum ada kepastian daripada kerajaan.

"Tetapi pastinya tumpuan kini tertumpu kepada siapa yang akan mengisi kedudukan lembaga pengarah baharu ini, adakah ia sama bagus atau sebaliknya."

"Namun keadaan kini sangat tidak menentu kerana kita tidak tahu apa yang akan berlaku, apakah lagi kerajaan tidak memberi sebarang kata putus berhubung keputusan mereka meletakkan jawatan ini," katanya.

KUALA LUMPUR
(Indeks Komposit)
(+2.45) mata
1,766.23

SINGAPURA
(Straits Times)
(+1.77) mata
3,328.60

TOKYO
Nikkei
(-27.38) mata
22,586.87

NEW YORK
Dow Jones
(+172.16) mata
25,414.10

TUKARAN MATA WANG ASING
26.07.2018

DOLAR
4.0600/0640

POUND
5.3503/3572

EURO
4.7551/7606

RIYAL (100)
108.2551/3647

YEN
3.6669/6709

DOLAR
2.9807/9856

RUPIAH (100)
0.0281/0281